

ԽԱՉԱՏՈՒՐ ԷՐՁՐՈՒՄԵՑՈՒ ՈՒՍՈՒՑՈՂԱԿԱՆ ԲԱՆԱՍՏԵՂԾՈՒԹՅՈՒՆՆԵՐԸ

Շ. Լ. ՆԱԶԱՐՅԱՆ

Հայ ուսուցողական (դիդակտիկ) բանաստեղծությունն ունի զարգացման հարուստ պատմություն:

Ուսուցողական բանաստեղծությունները, լայն առումով, այսինքն՝ տարատեսակ, բազմաբնույթ՝ սյարզից-ամենաբարդ, խրատականից-դիտական որոշակի հարցեր շոշափող չափածո երկեր (բանաստեղծորեն հաջող կամ անհաջող), որոնց նպատակն է «չափածո ձևի դյուրին եղանակով դիտելիքներ տարածել, ուղղություն տալ ընթերցողին զանազան հարցերում», մեզանում երևան են եկել տակավին միջին դարերից: Միջնադարյան հայ գրականությունը լի է նման չափածո երկերով: Այդպիսի երկերի հեղինակները եղել են ոչ միայն բանաստեղծները, այլև պատմագիրները, փիլիսոփաները, վարժագիրները, ժամանակագիրները, հիշատակագիրները, գրիչները և այլք: Ուտանավոր շարադրանքը, նաև ուսուցողական նկատառումներով, մի շատ տարածված, սովորական ձև է եղել ողջ հայ միջնադարում, ներառյալ նոր ժամանակները¹:

Անցյալից մեզ հայտնի ուսուցողական առաջին բանաստեղծությունը պատկանում է Գրիգոր Մագիստրոսի (990—1059) գրչին: Նրա «Հազարտողեանը» ներկայացնում է հին և նոր կտակարանների համառոտ բովանդակությունը, նույնահանգ տողերով չափաբերված: Գիտնական բանաստեղծը իր երկի վերջում անդրադառնում է նաև հայ եկեղեցու պատմությանը, գրերի գյուտին և թարգմանիչներին:

Սակայն բուն ուսուցողական բանաստեղծության բուռն զարգացումը մեզանում սկսվում է XII—XIII դդ.՝ հայ մշակույթի, գրականության վերելքի, աշխարհիկ կյանքի աշխուժացման եռուն շրջանում: Այդպիսի բանաստեղծության ամենախոշոր ներկայացուցիչը Ներսես Շնորհալին է (1102—1173): Նրա գրական վիթխարի ժառանգության չափածո հատվածի զգալի մասը ուսուցողական բազմատեսակ բանաստեղծության ընտիր նմուշներ են: Մ. Աբեղյանը նշում է, որ «Ներսես Շնորհալին արվեստի և գրականության վրա նայում է ամենից առաջ ձևական և դիդակտիկական-ուսուցական տեսակետներով»²: Դա միջնադարյան հայ գրականության ամենաբնորոշ գծերից մեկն է: Ուսուցողական, կրթական և միաժամանակ հույզի և հույսի, գոյապայքարի, մաքառման բանաստեղծություն է եղել միջնադարյան հայ բանաստեղծության լավագույն մասը:

¹ Հա. նոր, կլասիցիստական ուսուցողական բանաստեղծության հարցին առանձին հոդվածով անդրադարձել է է. Ջրբաշյանը («Դիդակտիկ պոեմները հայ գրականության մեջ», «Պատմա-բանասիրական հանդես», 1968, № 1): Նրա այս հոդվածը նոր խոսք է հայ ուսուցողական բանաստեղծության մասին:

² Մ. Աբեղյան, Հայոց հին գրականության պատմություն, հատ. Բ, Երևան, 1946, էջ 81:

XII—XVIII դդ. հայ ուսուցողական բանաստեղծությունը ընդհանուր բովանդակությամբ կարելի է բաժանել երեք խմբի:

Առաջին խմբի մեջ են մտնում բնական գիտությունների, տիեզերքի ճանաչողության՝ երկնքի, երկրի, աստղերի, արեգակի, տոմարական հաշվումների, ինչպես նաև այլ գիտությունների և արվեստների վերաբերյալ ոտանավոր երկերը: Այդպիսիներից են, օրինակ, Ներսես Շնորհալու «Յաղագս երկնից և զարդուց նորա», Հովհաննես Երզնկացու «Յաղագս երկնային դարդոց», Սարգիս Խլաթեցու «Ոտանաւոր տումարի», Առաքել Սյունեցու «Պատմութիւն վասն երկոտասան հոգմոց», Ղուկաս Եկեղեցու «Պատճէն Հռոմայ մեծ տումարի ոտանաւոր ձևով», Հովասափ Սեբաստացու «Ոտանաւոր վասն անփոփոխ եղանակուց», «Վասն եօթ մոլորական աստեղացն», Եփրեմ վարդապետի «Յանկ և ցուցակ յայսմաւորաց գրոց ի վերայ երկոտասանց ամսոց սլարգեալ, շարադրեալ ոտանաւոր շափով», Ծսայի Կաֆայեցու «Յաղագս տումարական մակացութեանց» և այլն, և այլն: Առավել շատ ուսուցողական բանաստեղծություններ են գրվել մեզանում տոմարի վերաբերյալ:

Ուսուցողական բանաստեղծության երկրորդ խմբի մեջ են մտնում բարոյագիտական, գիտա-մանկավարժական, ուսումնակրթական շափածո երկերը. այդպիսիք են Ներսես Շնորհալու «Բան ներտաղական և խրատ հոգւոց համայնից ի դիմաց մերոյին տառից տանց յիրաքանչիւրսն քառից», «Խրատ ուսումնականաց մանկանց ի դիմաց այբուբենից տառից ոտանաւոր տաղիւ շափոյ», Գրիգոր Տղայի, Ֆրիկի, Հովհ. Երզնկացու, Խաչ. Կեչառեցու, Մկ. Նաղաշի, Առ. Սյունեցու, Առ. Բաղիշեցու, Նազարեթ Տաղասացի, Զաք. Գնունեցու, Մարտիրոս Ղրիմեցու, Նաղաշ Հովնաթանի և այլոց խրատական համապատասխան բանաստեղծությունները:

Ուշագրավ է, որ XII—XIII դդ. շափածո ձևի մեջ ընդլայնվում են V—XI դդ. ստեղծված եկեղեցական, բարոյագիտական, կանոնական և պարականոն խրատական-ուսուցողական արձակ գրականության սահմանները: Այս խնդրում վճռական դեր է խաղում Ներսես Շնորհալին:

Ուսուցողական բանաստեղծության երրորդ խումբը ներկայացնում են պատմա-կրոնական, եկեղեցա-քաղաքական բովանդակությամբ բազմաթիվ շափածո երկեր. այդպիսիք են Ներսես Շնորհալու «Շարագրութիւն հոմերական վիպասանութեամբ սակս հայկազանց սեռի Արշակունեացն զարմի ի սկզբանց մինչև ի վախճանս», Վահրամ Ռաբունու «Պատմութիւն Ռուբինեանց», Գրիգոր Խլաթեցու «Յիշատակարան աղետից», Առ. Սյունեցու «Ոտանաւոր շարադրեալ յաղագս Աստուածաշունչ գրոց», Մովսես քահանա Արծկեցու «Ոտանաւոր պատմութիւն Զիհան շահի և Ուզուն Հասանի պատերազմաց», Սիմեոն Ապարանցու «Վիպասանութիւն սակս Պահլաւունեացն զարմի Մամիկոնեանցն սեռի», Իգնատիոս Տիգրանակերտցու «Համառօտութիւն պատմական և տաղաչափական ոտիւք յաղագս արեւելեան և պարսից աշխարհի աւերման ի ձեռանէ օսմանցւոց», Մարտիրոս Ղրիմեցու «Կարգ և թիւ թագաւորաց ազգիս հայոց» և այլն:

Հայ ուսուցողական բանաստեղծության մի պատկառելի մասը կազմում են պատմա-կրոնական, եկեղեցա-քաղաքական և բարոյագիտական բովանդակությամբ ոտանավորները: Եվ դա հասկանալի է: Հայ հասարակական մտքի մշակներին անցյալում առաջին հերթին մտահոգում էին ժամանակակից սերնդին հայ ժողովրդի և եկեղեցու պատմությանը հաղորդակից անելու,

նրանց բարոյակրթական վիճակը բարձրացնելու, նրանց մեջ հավատքի և հայրենիքի սերը վառ պահելու հարցերը: Ուստի դասական պատմության, փիլիսոփայության և այլ գիտությունների զարգացմանը զուգահեռ, նրանք, XII—XIII դդ.-ից սկսած, նույն գիտությունների առանձին հարցեր վերաշարադրում էին ուսանավոր ձևով, դրանց շուրջ հյուսում ուսուցողական, պարզունակ բանաստեղծություններ:

Ակրսանելով յայսրմ տառի,
Ի նախահարսն իմ ըստ կարգի,
Թէ ո՞րք էին, և կամ ուստի՞,
Եւ կամ յորո՞ւմ ժամանակի.
Եւ մակագրեալ ի ֆարտիսի,

Զառ ի նոցայն գործեալ իրի,
 Զոմանց պատմել յոյժ կենդանի,
 Զարիօրիսնն պանծալի,
 Զոմանց նառել զգործս անբարի.
 Եւ օվտո անուներն յաշխարհի³,—

գրում է Շնորհալին իր «Վիպասանութեան» նախերգանքում: Դա առաջին չափածո պատմական ուսուցողական երկն է, ուր հեղինակը, հետեւելով Խորենացու պատմությանը, ութվանկյա նույնահանգ տողերով շարադրում է հայ ժողովրդի պատմությունը, սկսած Հայկազյան շառավիղներից մինչև Պահլավունիները: Ուշագրավ է, որ Շնորհալուն շարունակում է Վահրամ Ռաբունին, և այնուհետև պատմական շատ դեպքերի ու իրադարձությունների շուրջ հորինվում են նմանօրինակ այլ երկեր:

Միջնադարյան հայ ուսուցողական բանաստեղծությունը ամբողջությամբ նույն ժամանակաշրջանի անհատական և ժողովրդական գոնազեղ բանաստեղծության բաղկացուցիչ մասն է:

Ի տարբերություն կլասիցիստական ուսուցողական բանաստեղծության, միջնադարյան հայ ուսուցողական բանաստեղծությունը թեև մշակված, պարտադիր տեսական օրենքներ չունի, և այդ բնական է, սակայն զրական մի շարք ընդհանուր ձևերի մեջ պարզաբանում, բացատրում, ներկայացնում է հայ ժողովրդի պատմության, էկեղեցու, բնական և արվեստական ալլ գիտությունների առանձին հարցեր, ուսուցանում է պարզից ամենաբարդը՝ հայկական այրուբենից սկսած մինչև տիեզերքի կազմավորման խնդիրներ:

Հայ ուսուցողական բանաստեղծությանը (ինչպես ընդհանուր ուսուցողական բանաստեղծությանը,՝ բնորոշ է պարզունակ արվեստը՝ մատչելի լեզու, պատմողական, նկարագրական, մտերմիկ ոճ; տաղաչափության և հանգափորման միօրինակ ձևեր և նղանակներ, կառուցվածքային պարզ ուղեձգություն և այլն: Չափածո այս երկերը, մեծ մասամբ, զուրկ են գեղարվեստական ընդհանրացումներից, տիպական հանգամանքներից և տիպական կերպարներից: Այդ երկերում առաջին գծի վրա է կանգնած ինքը՝ հեղինակը, նա իր զաղափարական սինհատականությամբ, երբեմն զգալացունց միջամտություններով կամ ողբական, ներբողյան գունադարձումներով, հիմնականում ռիթմիկ տաղաչափությամբ ազդում է ընթերցողի վրա և կողմնորոշում նրան: Միջնադարյան հայ մշակույթի զարգացման նախանձախնդիր այդ գործիչներին հետաքրքրում է առաջին հերթին ոչ թե զեղեցիկ, բարձրարվեստ բանաստեղծություն ստեղծելը, այլ ուսուցման համար բանաստեղծության չափական ձևի

³ Նեքուստի տրոփ, Թանք լավաւ, Վենետիկ, 1830, էջ 541:

⁴ ՏԼ՝ ա Ա. Առաքելյան, Հունական դրականության պատմություն, Երևան, 1946,
էջ 67.

ընձեռած դյուրին հնարավորությամբ հայ ժողովրդի հոգևոր կրթության գործին նպաստ բերելը: Կիրակոս Թալինեցին (գրիչ, տաղասաց, տոմարագետ, XVII—XVIII դդ.), օրինակ, գրում է, որ ինքը Նսայի Ռաբունու տոմարական առանձին երկեր չափաբերել է՝ 1. «Որպեսզի ծնօղքն բերանով ուսանել կարին: 2. «Որ դիւրին ուսանին մանկունք»: 3. «Որ [նոքա] բերան առեալ միշտ երգին»: 4. «Որ ոչ կարօտին դիրք տեսանել»: 5. «Որ առանց օրինակի կարին գրել և շտխալին»⁵ և այլն:

Միջնադարյան հայ ուսուցողական բանաստեղծությունը բխում է հայ կյանքից, օգնում է լուսարանելու հայ ժողովրդի կյանքի համակողմանի պատմությունը:

X—XVIII դդ. ստեղծվել են ուսուցողական շափածո և՛ մեծածավալ երկեր՝ պոեմներ (այս բառի պայմանական հասկացողությամբ), և՛ փոքրածավալ ամբողջական բանաստեղծություններ, և՛ քառյակներ, երկոտյակներ, հանելուկատիպ փոքրիկ բանաստեղծություններ: Չափածո սյդ երկերը մեզ հասել են՝ պատմություն, շարագրություն, վիպասանություն, հիշատակարան, տաղ, ոտանավոր և այլ անվանումներով:

* * *

է. Զրբաշյանի «Դիդակտիկ պոեմները հայ գրականության մեջ» հոդվածում հիշատակված բանաստեղծությունները (XVIII դ. վերջի և XIX դ. առաջին կեսի) կաղմում են միջնադարյան ուսուցողական բանաստեղծության մեծ շղթայի նոր օղակը՝ դասական օղակը: Այդ նորը, իրավամբ նկատում է է. Զրբաշյանը, իր վրա կրում է արևմտաեվրոպական գրականության, կլասիցիզմի ազդեցությունը. «Ստեղծելով իրենց «դիդակտիկ պոեմները», հայ դասականները հետևում էին գրական այն ավանդույթին, որն սկիզբ էր առել անտիկ գրականությունից և վերակենդանացվել XVII—XVIII դդ. եվրոպական կլասիցիզմի կողմից»⁶:

Սակայն թե ե՞րբ և ինչպե՞ս է սկիզբ առնում այդ նորը, կլասիցիստականը—դա երկրորդ կարևոր խնդիրն է, որին անհրաժեշտ ենք համարում անդրադառնալ դարձյալ սեղմ, հարցադրումների եղանակով:

XVIII դ. վերջի և XIX դ. սկզբի մխիթարյան և ոչ-մխիթարյան բանաստեղծներից շատ առաջ, «անտիկ գրականության ավանդույթները վերակենդանացնող եվրոպական կլասիցիզմի ազդեցությամբ», հայ գրականության մեջ արդեն ստեղծվել էին ուսուցողական բանաստեղծության բազմաթիվ նմուշներ. սակայն ոչ միայն անտիկ գրականության ավանդույթները վերակենդանացնող եվրոպական կլասիցիզմի ազդեցությամբ... Ստեղծելով ուսուցողական բանաստեղծություն, հայ նոր դասականները, այդ քվում նաև Մխիթարյանները, հետևում էին նաև ահցյալի ազգային հարուստ գրականությանը. յուրացնում էին նաև իրենց նախնիների փորձն ու գիտելիքները՝ միաժամանակ ընդունելով օտար աշխարհից եկող մշակութային նոր շարժման աիքր:

Նոր ժամանակներում ուսուցողական բանաստեղծության կամ «վարդապետական քերթողության» առաջին խոշոր ներկայացուցիչը Խաչատուր

⁵ Մաշտոցի անվան Մատենադարան, ձեռ. № 3469, 1702, Թ. 95ա:

⁶ Է. Զրբաշյան, Դիդակտիկ պոեմները հայ գրականության մեջ, «Պատմա-բանասիրական հանդես», 1968, № 1, էջ 53:

էրզրումեցին է (նաև Կարնեցի, Առաքելյան, ծնվել է 1666 թ. Կարինում, վախճանվել է 1740 թ. Վենետիկում): Էրզրումեցին եղել է Մխիթար Սեբաստացու (աբբահոր) մտերիմ բարեկամը և աջակիցը. «Նրկուքն ալ հմուտք և գիտնականք, անխոնջ գրողներ, բայց զանազան ճանապարհներով հասել են նույն նպատակին,—կարգում ենք «Վարք Մխիթարա Սեբաստացվո» գրքում,—հաշատուր Հոռվմ կերթա ուսանելու լեզուների և գիտությունների հմուտ վարդապետաց ձեռքին տակ, Մխիթար առանց գպրոցի և վարժապետի հասել է հաշատուրին...»:

Մի կողմ թողնելով միաբանության գործնական աշխատանքները, Խ. էրզրումեցին ամբողջովին իրեն նվիրում է գիտությունը և XVIII դ. առաջին տասնամյակներում, մեկը մյուսի ետևից հրապարակ է հանում գիտական, տեսական, փիլիսոփայական, քերականական, աստվածաբանական այնպիսի աշխատանքներ, որոնք հռչակում են նրա անունը. հաշատուր վարդապետը գրական այնպիսի պաշար և հմտություն ուներ,—շարունակում են վերոհիշյալ գրքի հեղինակները,—«որո համար անոր խոսքը իբրև պատգամ կնդունվեր արևելքին մեջ. ուր որ համբավը լսված էր: Բայց քան ուրիշ ամեն տեղ, մեծ էր անոր անունը և ազդեցությունը Հոռվմա մեջ, մեր ազգին և ընդհանուր արևելքին ֆրիստոնեից»⁷:

Լեոն նշում է, որ Խ. էրզրումեցին առաջին հայ գործիչն էր, որ միջնորդ հանդիսացավ արևմտյան գիտության և հայության մեջ: «Գիտությունների մի ամբողջ ժողովածու, մի ամբողջ հանրագիտակ,—գրում է Լեոն Խ. էրզրումեցու «Համառոտական իմաստասիրութիւն» գրքի մասին,—որի վրա հայ ընթերցողը պիտի խելամուտ լինի այն ամենին, ինչ տալիս էր եկեղեցուն ստրկացած փիլիսոփայությունը: Մեծ չէր այդ հարստությունը համամարդկային առաջադիմության տեսակետից, բայց հայկական աղֆատ ու տգետ իրականության համար մի մեծ բարիք էր, որովհետև, այնուամենայնիվ, եվրոպական միտք էր ներկայացնում և տալիս էր այնպիսի հասկացություններ, որոնք բոլորովին անհայտ նորություններ էին այն ժամանակվա կացության մեջ»: «Այս նշանավոր աշխատությունը,—շարունակում է Լեոն,—ինչպես և հաշատուրի մյուս գործերի մեծ մասը ազգի սեփականությունը դարձան XVIII դարում»⁸:

Վ. Թերզիբաշյանը, աչքի առաջ ունենալով Խ. էրզրումեցու «Յաղագս բանաստեղծութեան» տրակտատը, գրում է. էրզրումեցին իր «...պոետիկայի մեջ բացահայտորեն ներշնչված է իր դարաշրջանի կլասիցիզմի ոգով և նրա փայլուն տեսաբան Բուալոյից...»:

1711 թվականին էրզրումեցին Վենետիկում հրատարակում է վերոհիշյալ «Համառոտական իմաստասիրութիւն» կամ «Բովանդակութիւն ամենայն ուսմանց» ստվարածավալ երկհատորյակը, որի վրա նա աշխատել էր սկսել դեռևս 1695—1696 թվականներից: «Քանզի ամենայն մակացութիւն է ընդունելի և սիրով ընդգրկելի,—գրում է Խ. էրզրումեցին իր գրքի հիշատակարանում,—և քանզի ամենայն արուեստ է յինքենէ շահաւէտ և օգտակար և զայս իմաստասիրական գործս, որ գրկէ զարուեստս և զգիտութիւնս, իմաստասիրութեան

⁷ Հ. Հոռվահաննիսյան, Վ. Թորոսյան, Վարք Մխիթարայ Սեբաստացույ, Վենետիկ, 1901, էջ 357, 358, 537:

⁸ Լեոն, Հայոց պատմություն, հատ. 3, էջ 976: Նույնի՝ Հայկական տպագրություն, Թիֆլիս, 1902, էջ 173:

⁹ «Հայ նոր գրականության պատմություն», հատ. 2, Երևան, 1962, էջ 104:

ձերում յանձն առնեմ և խնդրեմ ի ձենջ, զի խոնարհեցեալք պտղաբերաբար զնա վայելեցէք»¹⁰։

Թվում է թե հին և միջին դարերում ստեղծված հայ գիտա-փիլիսոփայական վիթխարի գրականության վրա նոր բան չպետք է ավելացներ Խ. Էրզրումեցու վերահիշյալ գիրքը։ Սակայն այդպես չէ. Խ. Էրզրումեցին առաջին անգամ, անհամեմատ լայն ծավալով ու ամբողջական տեսքով, գիտության, փիլիսոփայության և արվեստի հիմունքները շարադրում, զարգացնում, վերարժարծում է նոր ձևով ու եղանակով։ Ի տարբերություն իր նախորդների, նա մշակում է կանոններ, օրենքներ, գծում է սահմաններ՝ դիմելով ամենաբարդ գաղափարները մատուցելու համեմատաբար դյուրին եղանակին՝ չափածո խոսքին՝ «...որպէսզի ամենեքեան դիւրապէս կարիցեն վայելել զուսուցեալսն ի սմին ի յօգուտ անձանց իւրեանց»¹¹։

Էրզրումեցու «Համառօտական իմաստասիրութիւն» գրքի առաջին հատորի համար (738 էջ) ուսուցողական չափածո երկի նյութ են դարձել արվեստի, գրականության, բանաստեղծության, հոգևորության, տրամաբանության, ֆիզիկայի, երկրի ծննդյան և ապականության, չորս տարրերի, բուսականության, կենդանիների, մարդու, բժշկության, բարոյականության և բարոյական գիտության, քաղաքականության հարցերը։ Հեղինակի նույն գրքի երկրորդ հատորի համար (678 էջ) ուսուցողական բանաստեղծության նյութ են ծառայել մաթեմատիկայի, թվաբանության, երկրաչափության, աստղաբաշխության, երաժշտության, ընդհայեցողության, կշռորդաբանության, մետաֆիզիկայի խընդիրները։

Այս հիմնական առարկաներից յուրաքանչյուրը կազմում է «Համառօտական իմաստասիրութիւն» գրքի առանձին բաժին, իսկ ամեն մի բաժին իր հերթին տրոհվում է բազմաթիվ գլուխների ու ամեն մի գլուխ ստանում է իր վերնագիրը։ Ամենաընդարձակը «Յաղագս աստղաբաշխութեան» բաժինն է, որն ունի 86 գլուխ։ Էրզրումեցու չափածո երկհատորյակի ամեն մի գլուխ իրենից ներկայացնում է 100-ից ավելի կամ պակաս քանակությամբ 16 վանկանի տողերով (հատածով), ներքին հանգավորմամբ, նույնահանգ բանաստեղծություն։ Դրանք իրենց արվեստով հիշեցնում են միջնադարյան ուսուցողական, պարզունակ չափածո երկերը։

Աստղաբաշխութիւն գիտութիւն և գիտական ճանաչութիւն,
Որ գերկնից խօսի, ընձեռնէ և գաստեղաց վարդապետէ,
Յորժամ զբնութենէ ճառէ, գյատկութեանց նոցին ընձեռնէ,
Ձներգործական զօրութենէ, զնոցին կարողութենէ¹²։

Կամ՝

Որ մետափիսիկա ասի, բառ յունական ենթակայի,
Նաև այլազգաբար գրի, մեթաֆիսիֆա գծագրի,
Եթէ հայկական լինիցի, անդաբնական առ ասի,
Այս, որ մետափիսիկա է, անդաբնականաբան է¹³։

¹⁰ Խաչատուր Էրզրումեցի, Համառօտական իմաստասիրութիւն, հատ. 1, Վենետիկ, 1711, տե՛ս հիշատակարանը։

¹¹ Նույն տեղում, հատ. 2, Վենետիկ, 1711, էջ 687։

¹² Նույն տեղում, էջ 295։

¹³ Նույն տեղում, էջ 547։

Հառցի բերումով մեղ ալստեղ հետաքրքրում են միայն *Խ. Էրզրումեցու* ուսուցողական բանաստեղծության ընդհանուր ընդգրկումները և նրա «Յաղագս սահմանի բանաստեղծության» երկը որպես տեսական-ուսուցողական բանաստեղծության մի ցայտուն նմուշ: Իրանցով Էրզրումեցին սկզբնավորում է հայ նոր. կլասիցիստական ուսուցողական բանաստեղծությունը և միաժամանակ (պսևդոնիմի վերաբերյալ գրած արձակ հոդվածների հետ միասին) սկզբնավորում հայ կլասիցիստական բանաստեղծության տեսությունը:

Էրզրումեցու «Համառոտական իմաստասիրութիւն» բանաստեղծության երկհատուրյակը ծրագրային հանրագիտարան է՝ «ազատական» և ոչ «ազատական», ալսինքն՝ նաև ծառայական արվեստների, «տեսական» և ոչ «տեսական», ալսինքն նաև արարողական, գործնական գիտությունների հիմունքների (անշատ-անշատ) առաջին օտանավոր խոշոր շարադրանքը՝ նոր ժամանակներում:

Կլասիցիստական գրական ուղղության հայ տեսաբանը, կրկով հանդերձ Թուալույի գրականագիտական հայացքների ազդեցությունը, ստեղծում է բանաստեղծության չորսօրինակ տեսություն՝ ելնելով իր ժողովրդի գրական կյանքի անդլալի և ներկալի վիճակից: Խ. Էրզրումեցին գրում է այսպես կոչված պոետիկա՝ բանաստեղծության արվեստ, բանաստեղծության տեսություն նեղ իմաստով: Ալսինքն՝ դեղարվեստական գրականության երեք հիմնական ճյուղերից նա բնորոշում է, առաջին հերթին, բանաստեղծությունը: Սա ևս միանշանակալն բնական է, քանի որ, բանաստեղծությունն է հայ գեղարվեստական գրականության ամենամեծ, ամենազարդացած ու ամենատարածված գրական տեսակը: Հայ բանաստեղծությունն է, որ ունի անհամեմատ հին, հարուստ և ձևավորված պատմություն:

Բանաստեղծության արվեստի վերաբերյալ Խ. Էրզրումեցու տեսական երկերը («Յաղագս բանաստեղծութեան», «Յաղագս ենթակայի բանաստեղծութեան», «Յաղագս սահմանի բանաստեղծութեան») թեև մասամբ կրկնում են միմյանց և բավականաչափ վերացական են, մասամբ նաև հակասական, քանի որ հենց կլասիցիզմը վերացական ու հակասական շատ բան ունի իր մեջ, սակայն, այնուամենայնիվ, դարդացնում և հիմնավորում են առանցքային երկու խնդիր՝ Իրանցից առաջինը վերաբերում է բանաստեղծության դերին, նպատակին, առարկային, նյութին, բովանդակությանը, երկրորդը՝ բանաստեղծության արվեստին՝ կառուցվածք, արտահայտչական ձևեր և կոմպոզիցիաներ, հնարանքներ, լեզու և ոճ, հանդ, չափ և այլն:

Նոր Էրզրումեցու բանաստեղծությունը բարձր «վսեմական և ազատական» արվեստ է՝ հնարագիտություն, որ «ստանի ի ձևոն գուման և ուսման»: Եվ ինչպես բոլոր արվեստների, այնպես էլ բանաստեղծության ենթական, առարկան, ազդյուրը, հիմքը մարդկային միտքն է, բանականությունը: Արվեստները, շարունակում է Խ. Էրզրումեցին, — ուժ ու գորություն ստանալով մտքից, իրենք իրենց հերթին ազդում են մտքի վրա. նպաստում են մարդկային մտքի առաջադիմությանը, դարդացմանը¹⁴:

Էրզրումեցին, բնականաբար, բանաստեղծության արվեստի նյութ է համարում նաև աստվածաբանությունը, իմաստասիրությունը, և այս դեպքում նա անգամ քիչ դեր է տալիս բանաստեղծի երևակայությանը, պահանջում է

¹⁴ Խ. Էրզրումեցու, նշվ. աշխ., հատ. 1, էջ 2, 4, 5, 16:

«նրբաբար վիճաբանել»։ Նրա հայացքով աստվածաբանական կամ իմաստասիրական նյութ ունեցող գրական չափածո երկը միայն «ըստ եղանակի է» բանաստեղծություն, իսկ ըստ էության աստվածաբանություն է կամ փիլիսոփայություն. սակայն դա չէ Էրզրումեցու պոետիկայի առաջատար խնդիրը։ Մեր տեսաբանը պահանջում է բանաստեղծության նյութ դարձնել հասարակական կյանքի և բնության երևույթներ, բանական մարդու վսեմագույն բոլոր գործերը՝ լինի դա պատմական թե ժամանակակից, պատերազմական թե խաղաղական, իրական թե երևակայական, «եղեալս և բանաստեղծեալս» — ահա կարևորը։ Բանաստեղծը, ըստ Խ. Էրզրումեցու, այդ բոլորը կարող է իր երկի նյութ դարձնել պայմանով՝ որ կենտրոնում կանգնած լինի մարդը՝ որ է «մտաւոր», «բանական», որ ունի «բանս և միտս», բարձր «արարս մարդկայինս, եղեալս կամ հնարեցեալս»։ Բանաստեղծի պարտքն է վեր հանել, ներկայացնել մարդու բարոյական և իմացական վսեմագույն հատկությունները, նրա առաքինությունները։

Բանականության դերի այսպիսի գնահատությունը բխում է Բուալոյի «Պոետիկայի» ոգուց, որը կլասիցիզմի գեղագիտական սկզբունքն է առհասարակ։ Բանականության դերի նման գնահատության մենք հանդիպում ենք նաև հայ հին փիլիսոփաների և մտածողների մոտ. «Աղբիւր արուեստից միտք են, խորհուրդ հանհարեղ՝ արարիչ արուեստից և արուեստք անեցուցի մտաց»¹⁵, — գրում է Անանուն Քերականը (VI դ.) Դիոնիսիոսի քերականության իր մեկնության համապատասխան գլխում։ Գեղարվեստական ստեղծագործության նրկատմամբ ռացիոնալիստական այս ըմբռնումը տեսական ավելի խոր մեկնաբանություն է ստանում հետագայում Հովհաննես Սարկավազի (XII դ.) մոտ, նրա հռչակավոր «Սարեկ» («Բան իմաստութեան») բանաստեղծության մեջ։ Այստեղ «պարզ երևում է, — գրում է Մ. Աբեղյանը, — որ եղել է ձգտում դեպի բնություն և ռացիոնալիզմ կրոնի մեջ, որով գլխավոր նշանակությունը տրվում է ոչ թե հայտնությանը, այլ բնության դիտողություններից բանականությամբ ձեռք բերված հշմարտություններին։ Դրա արգասիքն է եղել արվեստի ծագման նոր տեսությունը և առհասարակ մի նոր արվեստի պահանջ»¹⁶ (ընդգծումը իմն է — Շ. Ն.)։

Էրզրումեցին ընդհանրապես ազատական, այսինքն ոչ ծառայական արվեստներին (այդ թվում հատկապես բանաստեղծությանը) հասարակական, բարոյակրթական, դաստիարակչական մեծ դեր է վերապահում։ Այդպիսի արվեստները, նրա հասկացողությամբ, «...կատարելագործեն զիմացականն մեր, քանզի են կատարելութիւնք իմացականին (այսինքն աստվածայինի — Շ. Ն.)։ Առնեն զմեզ պատուաւորս, գովելիս և հռչակաւորս... Օգնեն հասարակի բարւոյ, զի թիկունս հասանին հասարակութեան»¹⁷։

Ըստ մեր տեսաբանի, բանաստեղծությունը, որպես արվեստ, կոչված է մարդկանց առջև բացելու կյանքի լավ կողմերը, հեռու պահելու նրանց մոլորություններից, անազնիվ կրքերից, հորդորելու սեր, հույս, արիություն, մեծագործություն, այն ամենը, ինչ առինքնող է, բարձր, արժանավայել, այն

¹⁵ Н. Адонц, Дионисий Фракийский и армянские толкователи, Петербург, 1915, էջ 160։

¹⁶ Մ. Աբեղյան, նշվ. աշխ., էջ 60—61։

¹⁷ Խ. Էրզրումեցի, նշվ. աշխ., հատ. 1, էջ 4։

ամենը, ինչ նպաստավոր է հասարակությանը, ինչ կարող է ծառայել «հասարակի բարւոյն...»:

Զսէր վառէ և բորբոքէ, զսիրտ սիրով լցուցանէ,
 Զփափագ ընդոստուցանէ և զնա սաստկացուցանէ,
 Զյոյս կանգնէ, փաշալեւէ և զնա զօրացուցանէ,
 Զարիութիւն զարթուցանէ, տաժէ զնա և պահպանէ:
 Զերկշոտութիւն նա տաւազրէ և զնա արտասահմանէ...¹⁸

Բարոյագիտական տեսական այս սկզբունքները գալիս են նաև Բուալոյից: Վերջինս ողբերգության գերագույն իմաստն է համարում մարդկային առաքինությունների գերազանց մատուցումը:

Էրզրումեցին իր գեղագիտական սահմանումներով բանաստեղծությանը վերապահում է իմացական ուղղություն, ուղղություն, որը տանում է դեպի կոնկրետը, ճշմարիտը, իրականը, բանականը: Նա պահանջում է ստեղծել բարձրաշունչ, վսեմ ու գեղեցիկ այնպիսի բանաստեղծություն, ուր իշխի բանականությանը ենթարկված ներդաշնակության զգացմունքը և բանաստեղծը հենց դրանով ազդել կարողանա բարձրանալիք ընթերցողի վրա, «նշմարիտ և բարձր նաշակ»: Այս գաղափարն է պաշտպանում նաև Բուալոն: «Մտեր դեպի սրտերը տանող ուղին, գրավեցեք հանդիսատեսին հուզաբորբոք երգով»¹⁹, — պահանջում է Բուալոն: Այսպիսի «հուզաբորբոք» բանաստեղծության պահանջ է առաջադրում նաև էրզրումեցին:

Զուարճ բերկրութիւն պատնառէ, զուրախութիւն յարուցանէ,
 Զունկնդրիչ զուարճացուցանէ և իսկ զմայլեցուցանէ²⁰:

Միայն չոր ու ցամաք գաղափարների կանոնիկ չափաբերված մատուցմամբ հնարավոր չէ «դուրախութիւն յուրացնել» և «զբաղձանս զարթուցանել»: Բանաստեղծության նյութ դարձնելով մարդուն՝ իր լավագույն գործերով, բարձր բարոյականությամբ, բնությունը՝ իր երևույթներով, «զիղձս նոցին արտաբերելով», ուրախություն և տխրություն պատճառելով, բանաստեղծությունը ինքնին դուրս կգա բանականությամբ ներգործելու իր նշանաբանից և կներգործի նաև մարդու զգացմունքների, հոգու վրա:

Իհարկե, էրզրումեցին բացահայտորեն չի անդրադառնում այս հարցին, չի օգտագործում «հույզ», «զգացմունք», «հոգի» բառերը: Սակայն նա բանաստեղծությունը դիտում է իբրև արվեստական ոնակություն, որը «խորին խորհուրդս պարուրէ» և միաժամանակ «զսէր վառէ բորբոքէ», «ընդոստեցուցանէ», «խանդավառէ»: Սա բանականությունը և զգացմունքը զուգադրելու մի ներքին գիծ է, որ զարգացնում է մեր տեսաբանը:

Այս երևույթը ունի նաև մի այլ պատճառ: Զգացմունքայնությունը քնարական բանաստեղծության էությունն է, իսկ քնարական երգը՝ հայ դարավոր բանաստեղծության ոսկե ֆոնդը և XVIII դ. հայ բանաստեղծության ամենահարուստ տեսակը: Հայ քնարական երգն ի սկզբանե իր մեջ միահյուսում է աստվածային և մարդկային, երկնային և երկրային միտքն ու հույզը, և նրա

¹⁸ Նույն տեղում, էջ 101:

¹⁹ Буало, Поэтическое искусство, М., 1957, էջ 77:

²⁰ Խ. Էրզրումեցի, նշվ. աշխ., հատ. 1, էջ 101:

երկար, տևական զարգացման ընթացքի մեջ են միայն այդ հույզերը բաժանվում, առանձնանում: Սկսած V դ. երգերից, ներառյալ XVIII դ. երգերը, սկսած հայ հոգևոր, ծիսական բազմաբնույթ քնարական երգերից, շարականներից, ներառյալ սիրո, պանդխտության, կենցաղային, վշտի ու ուրախության, քաղաքական ազատասիրության քնարական երգերը՝ հագեցված են հուզականությամբ: Էրզրումեցուն որքան էլ կաշկանդեր կլասիցիզմի ֆորմալ տրամաբանության սկզբունքը, որքան էլ նա խստությամբ կիրառեր ամեն ինչ բանականության ձայնին ենթարկելու կլասիցիզմի հիմնական օրենքը, այնուամենայնիվ չէր կարող անտեսել ազգային բանաստեղծության այս բնորոշ գիծը:

Էրզրումեցին իր տեսական սահմաններում շոշափում է նաև բանաստեղծության արվեստի հետ կապված այլ խնդիրներ, խոսում է բանաստեղծության հանգավորման, տաղաչափության, երաժշտականության և մանավանդ ներքին կառուցվածքի և հնարանքների մասին:

Բանաստեղծության արվեստի ներգործուն ուժը ապահովելու համար Էրզրումեցին պարտադրում է համեմատությունների և հակադրությունների եղանակը: «Այլաբանութիւն», «նմանաբանութիւն», «փոխաբերութիւն», «անգրաբանութիւն»: Նա մեծ կարևորություն է տալիս այլաբանությանը: Դա ևս բխում է հայ քնարերգության դարավոր ավանդույթից: «...Բանաստեղծութիւն սիրէ բարձրաթռիչ այլաբանութիւն»²¹, — ասում է նա: Այլաբանությունը, ըստ Էրզրումեցու, արտահայտչական այն միջոցներից մեկն է, որով բանաստեղծը կարողանում է համոզել և տարհամոզել, ծավալվել և ընդարձակվել՝ միայն թե դատողաբար. «Զիրս խորհելով գտանէ և շտեմարանաց հանէ»:

Բացասական թե դրական, ուրախ թե տխուր դեպքերն ու երևույթները կապակցված ու պատճառաբանված ներկայացնելու համար, ըստ Խ. Էրզրումեցու, բանաստեղծը պետք է դիմի համապատասխան օրինակների շտեմարանին և փաստերը մեկը մյուսի ետևից դուրս բերի այնտեղից, կանգնեցնի դեմ հանդիման, ապացուցի, կամ «ըստ իրողութեան», «զառարկութիւն լուծանի»:

Յորժամ գովէ և դրուատէ, գովաբանէ և փառատրէ,
Հայի յամբարս գովասանաց ի տեղիս գովաբանութեանց,
Յորժամ խօսէ, արհամարհէ, վատաբանէ և պարսաւէ,
Նայի յամբարս պարսաւանաց ի տեղիս արհամարհանաց,
Եւ յորժամ համոզել տենչայ. հաւանեցուցանել ջանայ,
Հայի յամբարս համոզելոյ և հաւանեցուցանելոյ,
Բայց յորժամ տարահամոզէ և անհաւանեցուցանէ,
[Հայի] յամբարս տարահամոզելոյ և անհաւանեցուցանելոյ²²:

Արիստոտելի և ապա Բուալոյի երեք միության՝ ժամանակի, գործողության և տեղի միասնության տեսությունը, բնականաբար, չէր կարող իր արտահայտությունը գտնել Էրզրումեցու պոետիկայում, սակայն բանաստեղծության կուռ, ներդաշնակ կառուցվածքի, նրա առանձին մասերի վերաբերյալ վերևում մեջ բերված պահանջները Էրզրումեցու մոտ որոշակիորեն գալիս են Բուալոյից, հետևաբար նաև Արիստոտելից:

²¹ Նույն տեղում, էջ 15:

²² Նույն տեղում, էջ 100:

Բանաստեղծության տեսակներին, ենթատեսակներին մասին էրզրումեցու պատկերացումները հստակ չեն, սակայն դատելով բանաստեղծության նյութի, միջավայրի, կերպարների և գործողությունների վերաբերյալ նրա սահմանումներից, կարելի է անվերապահորեն նշել, որ մեր տեսաբանը առաջին հերթին ի նկատի ունի բարձրարժեատ էպիկական լանաստեղծությունը՝ կրոնական, պատմական ու ժամանակակից նյութով սյուժետավոր, կոմպոզիցիոն պոեմը՝ շափածո պատմությունը, վիպերգությունը, դրուգագներգությունը, ինչպես նաև քնարական բանաստեղծությունը՝ մեղեդի, ներբող, քնարական պոեմ կամ այլ ինչ։ Խ. էրզրումեցին պահանջում է, որ բանաստեղծը հորինի կուռ տրամաբանական, ամբողջական և գեղեցիկ երկ։

Իր տեսական դրույթները շարադրելիս Խ. էրզրումեցին աչքի առաջ է ունեցել բանաստեղծության այն տեսակները, որոնք եղել են ողջ միջնադարում և որոնք փոփոխվելով ու կատարելագործվելով, շարունակում էին ծնվել նաև XVIII դ., ինչպես նաև այնպիսի երկեր, որպիսիք ստեղծում էին արդեն կլասիցիզմի ներկայացուցիչները Արևմտյան Եվրոպայում և Ռուսաստանում։

էրզրումեցին պաշտպանում է ֆրանսիական կլասիցիզմի տեսության նաև այն օրենքը, որի համաձայն արհամարհվում է «ցածր ժանրի» ստեղծագործությունը, «երգս և նուագս վավաշոտս», նաև կոմեդիա, դերասանություն կոչելով այն և հակադրում է «բարձր ոճի» բանաստեղծությանը. «Քանզի դերասանություն յանդիման կացուցանէ զանարգ և ցած արարս, իսկ բանաստեղծություն յանդիման կացուցանէ զընտիր և զվսէմ արարս»։ Բուալոն «ցածր ժանրի» գործ է համարում ֆրանսիական ժողովրդական ֆարսը։ Խ. էրզրումեցին անուղղակիորեն մերժում է հայկական ժողովրդական թատերախաղերն ու հանդեսները, հավանորեն «Կարագյուղի թատրոնը», որի աղղեցությունը, ինչպես հայտնի է, գալիս էր հին ժամանակներից և հասնում XVIII—XIX դդ.։

էրզրումեցու այն հայացքը, թե՛ «Իրք ցածր և անարդ, անպարկեշտք և անհամեստք ոչ ենթարկին բանաստեղծութեան», թե՛ սուտ ու վնասակար են «դերգս և զնուագս վավաշոտս»²³, միաժամանակ ուղղված է հայ ժողովրդական և աշուղական այն երգերի դեմ, որոնք լեցուն են բաց, կրքոտ ու ազատ նկարագրություններով ու պատկերներով։ «...Ուստի և յայտ է,—գրում է Խ. էրզրումեցին,—թե բանաստեղծութիւն, որ ստէ, մոլորեցուցանէ, ածէ զմարդիկ ի չոռութիւնս և ի մոլորութիւնս, իրակէ դերգս և զնուագս վավաշոտս, ընդոսուցանէ և բորբոքէ զչար ցանկութիւն, յանդիման կացուցանէ զիրս անհամեստս, անպարկեշտս, զաղիրս և աղտեղիս, պատմէ իրաց գարշելեաց և վավաշոտից և ասականէ զբարս երիտասարդաց—յոյժ խոտելի է»։ Բարձր ոճի, բարձր դադափարների բանաստեղծություն և ցածր ոճի, անպարկեշտ, անհամեստ բանաստեղծություն ներհակ հասկացություններ եղել են նաև վաղ միջնադարյան հայ դասական գործնական և տեսական գրականության ներկայացուցիչների մոտ. «Ողբերգութիւն,—գրում է Ստեփանոս Սյունեցին,—յմիսիթարական ասէ, զորս ի վերայ մեռելոց և կամ այլ ինչ թշուառութեան կրելոց առնեն։ Իսկ դիւցազնաբար՝ զչորդորականն ասէ և զքաջախերականն և զներբողականն՝ ի կենաց վախճանեցելոցն,—Իսկ «Պկատակերգութիւն աշխարհաւրէն,—շարունակում է VIII դ. հայ տեսաբանը,—այսինքն վատ կենցաղավարեւոյցն և անարի և ծովիցն և քնշասիրացն և ի վերայ այսպիսեացն գե-

²³ Նույն տեղում, էջ 15։

պերսականն և զհեզնականն առնել նաոս և սոիշս, որպես ռամիկֆն սովորաբար ստեղծանեն առ այնոսիկ»²⁴:

Էրզրումեցու տեսական պատկերացումների համար, ինչպես տեսնում ենք, անմիջական հիմք են հանդիսացել մի կողմից՝ հայ հին գեղագիտական, փիլիսոփայական միտքը, հայ դասական գիտությունն ու արվեստը, մյուս կողմից՝ արևմտաեվրոպական կլասիցիզմի գեղագիտական հայացքները: Այդ բոլորի համար մայր աղբյուր է եղել հունա-հռոմեական դասական գրականությունը, *անտիկ մշակույթը, որի մի շարք կենսունակ հատկանիշների վերականգնման անհրաժեշտությունն էր զգացվում XVI—XVIII դդ. Արևմտյան Եվրոպայում, Ռուսաստանում և այլուր*: Արևմտաեվրոպական կլասիցիզմը պոստականորեն նպաստում է, որպեսզի XVIII դ. հայ իրականության մեջ վերակենդանացվեն գրական, ստեղծագործական այն ավանդները, որոնց մի զգալի մասը հնում հայ դասական գործիչները, փիլիսոփաներն ու պատմագիրներն արդեն յուրացրել էին անտիկ մշակույթից:

Բնքնին հասկանալի է, որ հայկական կլասիցիզմը այնպիսի խորություն ու ընդգրկում չէր կարող ունենալ, ինչպիսին ուներ արևմտաեվրոպականը և առաջ ուսականը. սակայն որպես անցման շրջանի գրական ուղղություն, քուպես «ֆաղափական-գրական ուղղություն» (էդ. Ջրբաշյան), կլասիցիզմը մի ընդհանուր դեր էր կատարում յուրաքանչյուր ժողովրդի ազգային կյանքի վերածննդի յուրովի կազմավորման ընթացքում: Հայկական կլասիցիզմը հսկզբանե ունեցել է ազգային-կրոնական-ֆաղափական ուղղություն: Կրոնա-ֆաղափական ուղղությունը հայ գրականության մեջ գալիս է հենից: XVIII դ. արևմտաեվրոպական գրական կլասիցիզմի ազդեցությամբ այն զգալիորեն վերափոխվում է, ստանալով նոր հատկանիշներ, ազգային ինֆեանանաշման նոր նշանաբան: Այդ նոր դերն է, ահա, որ ըմբռնում են XVIII դ. հայ հասարակական և մշակութային ասպարեզի առաջադեմ գործիչները, այդ թվում և Ն. Էրզրումեցին:

Դրական այդ նոր ուղղության անուղղակի արտահայտությունը մենք նկատում ենք XVIII դ. հայ մտավոր կյանքի, գրականության վրա ընդհանրապես և հայ գրավոր գրաբար բանաստեղծության և նրա տեսության վրա՝ մասնավորապես: XVIII դ. հայ գրավոր գրաբար բանաստեղծությունը նոր, ազգային, դասական բանաստեղծության նախնական քայլն է, վաղ շրջանի հայկական կլասիցիզմի արտահայտությունը: Այդ բանաստեղծության առաջին խոշոր ներկայացուցիչները, ինչպես հայտնի է, Պաղտասար Դպիրն ու Պետրոս Դափանցին են, որոնց քնարական արվեստի շատ բնորոշ գծեր՝ դասական պարզ ու գեղեցիկ լեզու, զուսպ, հանդիսավոր և զարդարուն ոճ, գաղափարական նպատակասլացություն, կանոնավոր տաղաչափություն ու հանգավորում, վսեմ ու գեղեցիկ գաղափարներ՝ վսեմ ու գեղեցիկ արտահայտչական ձևերի մեջ, տեսական, օրհնսդրական կերպարանք են ստանում Ն. Էրզրումեցու գրչի ռակ:

Այսպիսով XVIII դ. բարձր զարգացման հասած աշուղական, ժողովրդական բանաստեղծությանը զուգահեռ մեղանում զարգանում է գրավոր, գրաբարալեզու բանաստեղծությունը, որը գաղափարախոսությամբ և արվեստով դրսևերում է նաև վերանորոգման շրջանի դասական գրականության, արվեստի

²⁴ Н. А. Д о н ц, նշվ. աշխ., էջ 193:

հատկանիշներ և ունի կրոնա-քաղաքական, կրոնա-ազգային, ազատագրական մղումներ: Այդ հատկանիշներով է գրավոր գրաբար բանաստեղծությունը անուղղակիորեն թեքվում դեպի կլասիցիզմը:

Հասկանալի է, որ որևէ ուղղություն, երբ այն պատմական հող ունի իր զարգացման համար, չի կարող սկիզբ առնել և հանգչել առանց փայլատակումների: Պաղտասար Դպիրը, Պետրոս Ղափանցին, Խաչատուր էրզրումեցին հայ կլասիցիստական ուղղության առաջին փայլատակումներն են XVIII դ.: Նրանց հաջորդում են մխիթարյան և ոչ-մխիթարյան հայտնի բանաստեղծները և զարգացնում այն:

Թեև Մխիթարյան միաբանությունը, հիմնադրված լինելով XVIII դ. սկզբին, մեծ դեր է կատարում հայ դասական գրականության ու լեզվի, հայագիտության զարգացման, հայ իրականության մեջ արևմտաեվրոպական գիտության և մշակույթի սերմերը տարածելու ասպարեզներում, սակայն հայկական կլասիցիստական բանաստեղծության, հատկապես քնարական (մեղեդի, ներբող, երկտող և քառատող), ինչպես նաև ուսուցողական բանաստեղծության սկզբնավորման գործում առաջնակարգ դերը պատկանում է ոչ թե մխիթարյան բանաստեղծներին՝ Մ. Զախջախյան, Դ. Ավետիքյան, Ե. Թովմասյան, Ղ. Ինձիճյան, այլ Պաղտասար Դպիրին, Պետրոս Ղափանցուն և Խաչատուր էրզրումեցուն: Մխիթարյան վերահիշյալ բանաստեղծները, հանդես գալով XVIII դ. վերջերին և XIX դ. սկզբներին, մասամբ շեղում են հայ կլասիցիստական բանաստեղծության (բանաստեղծություն, որն իր հետ բերում էր միջնադարյան աշխարհիկ քնարերգության արվեստի կենսունակ շատ գծեր) սկզբնական շրջանի ընթացքը: Այսուամենայնիվ, Պաղտասար Դպիրի և Պետրոս Ղափանցու ազդեցությունը մի նեղ շառավիղով ներթափանցում է XIX դ.: Ա. Բագրատունու, Հ. Ալամդարյանի, Հ. Վանանդեցու, Մ. Թաղիադյանի, Խ. Աբովյանի գրաբար երգերը Պաղտասար Դպիրի և Պետրոս Ղափանցու քնարական ժառանգության հետագա զարգացումն են:

Մխիթարյան և ոչ-մխիթարյան կլասիցիստական բանաստեղծությունը, դրամատուրգիան և դյուցազներգությունը, ինչպես հայտնի է, լայն թափով զարգանում են ավելի ուշ և տարբեր երանգներ ընդունելով հասնում են մինչև XIX դ. 50—60-ական թթ.:

էրզրումեցուց 121 տարի հետո, 1839 թ. նշանավոր բանաստեղծ և գիտնական է. Հյուրմյուզյանը տպագրում է իր «Առձեռն բանաստեղծութիւնը», որը դիտվում է իբրև հայկական կլասիցիզմի տեսական հիմքերի համեմատաբար լիարժեք, ամբողջական շարադրանք: Է. Հյուրմյուզյանը կլասիցիզմի դիրքերից առաջադրում է ճշմարտության, բանականության և գեղեցիկ արվեստի վերաբերյալ այն դրույթները, որոնք մեզ ծանոթ են էրզրումեցու պոետիկայից: «Քանզի քերթողաց գլխաւորագոյն յոյժ նպատակին է զուարճացուցանել, խանդաղատել, ազդել զգացմունս վէհս և ի բաց մերժել զհոռութիւնս....»²⁵, — գրում է Հյուրմյուզյանը, հիշեցնելով մեղ էրզրումեցու համապատասխան տողերը: Պետք է հաշվի առնել նաև, որ էրզրումեցին բանաստեղծության տեսութեամբ հրապարակ է իջնում XVIII դ. սկզբներին, երբ ծաղկում էր արևմտաեվրոպական կլասիցիզմը, իսկ Հյուրմյուզյանն իր «Առ-

²⁵ Է. Հյուրմյուզյան, Առձեռն բանաստեղծութիւն, Վենետիկ, 1839, էջ 49.

ձեռն բանաստեղծութեամբ» հանդես է դալիս XIX դ. 30-ական թթ. վերջերին, երբ արդեն խամրում էին արևմտաեվրոպական կլասիցիզմի վերջին ցուրքերը: Այնպես որ կլասիցիզմը հայ իրականության մեջ սկիզբ է առնում ոչ թե XVIII դ. վերջերին, ինչպես ընդունված է մեր գրականագիտության մեջ, այլ XVIII դ. սկզբներին:

* * *

Խաչատուր Հրզրումեցու «Համառօտական իմաստասիրութիւն» գիտական-ուսուցողական բազմաբնույթ բանաստեղծության երկհատորյակը և նրա մեջ մեզ ամենից ավելի հետաքրքրող, այսպես կոչված պոետիկան հեղինակի ամենաարժեքավոր գործերն են: Թերևս Խ. Հրզրումեցին գրանցում ևս աշխարհայացքային վճռական շրջադարձ չի կատարում, սակայն հայ հին և արևմտաեվրոպական ժամանակակից գիտության ու արվեստի ազդեցությամբ ձևավորված նրա գիտական, տեսական բազմաթիվ դրույթներն անուղղակիորեն խախտում էին միջնադարյան աստվածաբանական իմաստասիրության դիրքերը: Աստվածաբանությունից թեքում դեպի ռացիոնալիզմը (առանց արմատական սահմանազատման), երկնային, երազային գաղափարներից դեպի բնության և մարդկային բանականության ճանաչողության գաղափարը և այդ դիրքերից գրականության և կյանքի կապի, առնչության տեսական հիմնավորումը ինքնին շատ ուշագրավ է: Դա ներքնապես համահնչուն էր XVIII դ. համահայկական կրթական, լուսավորական այն պայքարին, որ նախընտրել էին հայ հասարակական մտքի և մշակույթի առաջավոր գործիչները՝ Իսրայել Օրբիից մինչև Շահամիրյաններն ընկած ժամանակահատվածում: Դա ներքնապես համահնչուն է հայ ժողովրդի ազատասիրական այն ձգտումներին, որոնց գրական արձագանքները շոշափելի են նաև XVIII դ. նախամխիթարյան շրջանի հայ գրավոր գրաբար բանաստեղծության մեջ: